

# Majsanh Yen Hai Hoih Ciendaez Gvancez Lozsiz Hong Hwnqguh Gih Guhyiengh Couqmaenh Gij Eiqsik Caezcaemh Cunghvaz Minzczu

11 nyied 6 hauh, Majsanh Yen hai hoih ciendaez gvancez lozsiz hong hwnqguh gih guhyiengh couqmaenh gij eiqsik caezcaemh Cunghvaz Minzczu, cien hag gij cingsaenz Aen Hoih Haenh Daengx Guek Minzczu Doxgiel Baenaj caeuq hoih mizgven hwnqguh gih guhyiengh Swcigih、Nanzningz Si, cunggez caeuq baijbouh gij hong hwnqguh gih guhyiengh.

Aen hoih ceijok, bineix daeuj, daengx yienh daj gwnz daengz laj

genhciz couqmaenh gij eiqsik caezcaemh Cunghvaz Minzczu guh diuz sienqmeh gak hangh hong, hopheux hwnqguh “haj aen suenranz”, gak gaep gak bouhmonz maedcaed gaeudoeng caemciek, gyagiengz boiqhab, nyinhcaen lozsiz gak hangh yinvu, gyoebrengz guh gak hangh hong, laebdaeb youq gwnz hwnqguh “haj aen suenranz” roengz goengfou aeu saedyauq, cingzyauq haemq ndei.

Aen hoih iugouz, daengx yienh

gak gaep gak bouhmonz aeu daezsang cwngei canvei, nyinhcaen hag gij cingsaenz hoih mizgven hwnqguh gih guhyiengh, gaemmaenh sienqmeh, laebdaeb gyalag swhsiengj yinsiz gvancez lozsiz hong hwnqguh gih guhyiengh, cietsaed lai roxnyinh mbaq rap naek. Aeu ciuq doxgven baijbouh, ndaetndaet hopheux muzbyauh yinvu hwnqguh “haj aen suenranz”, fatok gij cozyung denjhingz guhyiengh dazyinx、fuzse daiqdoengh.

Aeu ciengzseiz guh hozdung senhconz gyauyuz, gangj ndei gij goj Majsanh couqmaenh gij eiqsik caezcaemh Cunghvaz Minzczu. Aeu cienzmienh cunggez gij hong bineix, genhciz aeu vwndiz guh dazyinx, bouj caez giz dinj hangh nyieg, doidoengh hwnqguh gih guhyiengh mboujduenh miz cincanj moq cingzyauq moq.

(窦大全/Dou Dacenz)



## Fuconh Majlahsungh Doxdax Haidaeuz

11 nyied 10 hauh, 2024 nienz Fuconh majlahsungh youq Fuconh Yauzczu Swciyen Minzczu Dijyuz Cungsim haidaeuz, haj cien boux yindungyenz daj gak dieg daeuj camgya doxdax. Baez doxdax neix caeuq hozdung hoihciengz Gvangjsih ciet fungsou vunzguhnaez Cungguk doengzseiz guh, heiqfaenh ngoenzciet naekna, vwnzva daejniemh fungfou.

(黄旭胡/Vangz Yuzhuz)

◀ Doxdax haindung yindungyenz doengzseiz yamq gvaq sienq codauez.

## Sanhgyangh: Dohyeh Doxdax Baijok Yinxdaeuz Dungcu

11 nyied 9 hauh, Sanhgyangh Dungcu Swciyen youq Dohyeh Gvangjangz guh “ndoi sam sengj” Gvangjsih、Huznanz、Gveicouh gaiq daihbet Dungcu dohyeh doxdax, daengx yienh samcib haj aen doih cien lai boux senjsouj doengz daiz doxdax, caij banj diuq foux, baijok gij yinxdaeuz feihyiz Mbanj-

dung. Eiqsei dohyeh dwg “caij banj diuq foux”, dwg foux gyoengqvunz caemh diuq Dungcu, youz boux ndeu daiqdaeuz ciengq, vunz lai caij caemhdoh ciengq, boux camgya fwngz rag fwngz humx baenz gien ndeu, riengz banj bouxdaiqdaeuz doq ciengq doq foux.

(龚普康/Gungh Bujgangh)



▲ Mehmbwk Dungcu daenj buhvaq gyaundeiz doq ciengq doq foux.



▲ Hekyouz youq Mbanjdadangz yawj gij lwgndae dak ndaej henjsuhsu haenx.

## Bingzloz:Lwgndae Doidoengh Lajmbanj Gingham Hwngfat

11 nyied 9 hauh, Bingzloz Yen Gyaudzindz Yangh ndaw Mbanjdadangz gij lwgndae baenzgwn haenx baenz gong baenz gong, dak bingjlgndae baenz benq baenz benq, caeuq aen mbanj gapbaenz fuk doz seizcou fungsou ndeu,

haujlai hekyouz daeuj yawj gingisak gyaundeiz neix. Geij bi neix daeuj, aen mbanj neix aeu lwgndae guh moiz, ciuyinx daihbuek hekyouz daeuj youz, doidoengh lajmbanj gingham hwngfat.

(黄胜林/Vangz Swnglinz)